

Maniitsup aqutsiviani 2021-mi aalisarnermut piniarnermullu tunngasut paasissutissat.

Inuussutissarsiutigalugu piniartut(namminersortut) amerlassusaat 2016-imit 2021 ilanngullugu:

Maniitsuop aqutsivia	2016	2017	2018	2019	2020	2021	Hovedtal
Atammik	30	34	33	35	32	34	198
Kangaamiut	49	47	48	46	43	43	276
Maniitsoq	79	85	85	82	84	78	493
Napasog	20	17	17	21	20	21	116
Maniitsoq total	178	183	183	184	179	176	1083

Kilde: APN

Maniitsup aqutsiviani **umiatsiaararsortut** aalisarnermut akuersissummik peqartut amerlassusaat:

	Ukioq	Ukioq	Ukioq	Ukioq	Ukioq	Ukioq
	2016	2017	2018	2019	2020*	2021
Saarullinnut	156	194	174	163	130	112
Qalerallinnut	71	94	83	85	72	55
Nipisanut	112	158	145	148	121	52

*2020-mi qaammat oktober ilanngullugu.

Maniitsup aqutsiviani **aalisariutit** aalisarnermut akuersissummik peqartut amerlassusaat:

	2016	2017	2018	2019	2020	2021
Saarullinnut	26	25	28	25	24	17
Qalerallinnut	24	24	25	24	23	16
Nipisanut	19	22	17	19	18	12

Aalisarneq:

Nunatta naatsorsueqqissaartarfianit passisutissat www.stat.gl -imi aaneqarsinnaasut suliareqqillugit Excel-imi takussutissiarivara 2017-imiit 2021 ilanngullugu Maniitsup aqutsiviani (Maniitsoq, Kangaamiut, Napasog, Atammik) aalisakkat tulaassat annertussusaat nalingilu pillugit paasissutissat.

./. Takuuk ilanngussa.

Kisitsisini ukua maluginiagassaapput:

Maniitsup aqutsiviani 2021-imi tunisat pillugit paasissutissani takuneqarsinnaavoq Maniitsup aqutsiviani saarullit, qalerallit aamma nipisat (arnarluit suaat) pingaarnerpaajusut. 2021-mi tulaassat kr. nalingisa 98,6 pct-ii aalisakkanit taakkunanngaaneersuummata. Tunisat annertussusaasa (tons) 98,6 pct. Taakkunanngaaneersuullutik.

Agguataarneri tunisat tons tamakkiisuniit:

Saarullit	69,3 pct.
Qalerallit	15,2 pct.
Arnaluit	14,0 pct.
Katillugit	98,5 pct.

Agguataarnerit tunisat nalingi kr. tamakkiisuniit:

Saarullit	59,23 pct.
Qalerallit	26,65 pct.
Arnarluit	12,67 pct.
Katillugit	98,55 pct.

Qalerallit tulaassat annerpaartaat kilisaatit tulaassarivaat avataani pisat. Taakku Maniitsumi suliffissuarmi suliaasaqartitsinermut pingaaruteqarput.

Qalerallit sinerissap qanittuani Manitsup Kangaamiullu eqqani pisat ukiuni kingullerni tunineqartartut 200-300 tons missaani annertussuseqartarput.

Ilisimatitsissutigissavara 2021-mut aamma 2022-mut Sisimiut-Maniitsoq aqutsiveqarfianut qalerallit 300 tons pisassiissutaammata.

Qalerallit kilisaatit tulaattagaat Maniitsumi suliffissuarmut pingaaruteqarnerat annertusiartorsimavoq. Qalerallit kilisaatinit Maniitsumut tulaassat annikillineqannginnissaat pingaaruteqarpoq Maniitsumi pingaartumk ukiuunerani suliffissaqartitsinermut pingaaruteqarmata. 2021-mi kilisaatit tulaassisimapput ukununnga: Paamiut 643 tons, Maniitsoq 1.002 tons, Aasiaat 1.039 tons. Qasigiannugit 1.193 tons.

Kisitsisini excel-imi ilanngunneqartuni takuneqarsinnaavoq 2019-mit 2021-mut qalerallit Maniitsumut kilisaatinit tulaanneqartut annikilliertorsimasut.

Qalerallit kilisaatit Maniitsumut tulaassaasa annikillisinneqannginnissaat kommunimut pingaaruteqarpoq tamannalu piginnittunut erseqqissaatigissallugu pingaaruteqarpoq. Pingaartumik saarullit tulaanneqartartut annikilliertuinnaassappata Maniitsumi fabrikki tunisassiassanik naammattunik sapinngisamik pilersorneqarnissaa piumasarissallugu pingaaruteqarpoq.

Saarullit pillugit paasissutissani takuneqarsinnaavoq 2017-imiit 2019 ilanngullugu saarullit tunisat annikilliertorsimasut. 2017-imut sanilliullugu 2019-imi saarullit aqutsiveqarfimmut tulaanneqartut tons-inngorlugu annertususaat affaannangorsimallutik.

2020-mili saarullit tunisat kingumut annertuseriaqqissimapput. 2019-mut sanillullugu 2020-mi saarullit tunisat 1.583 tonsinik annertuseriarsimammata.

2021-mili kingumut annikillieriaqqipput taamatullu aamma aalisartunut isertitsissutaanerat annikillieriarisimavoq.

Saarullinnut tunngatillugu erseqqissaatigineqassaaq kisitsisini ilaammata umiarsuarmik "Maniitsoq"-mik saarullit uumasut sineriaammut aaneqartut Maniitsumilu fabrikkimut tulaanneqartut.

Taamaamat kisitsisini toqqaannartumik takuneqarsinnaanani Maniitsup aqutsiviani angerlarsimaffeqartut aalisartut saarullinnik qanoq annertutigisunik Maniitsup aqutsivianut tulaassisimanersut taamatullu aamma saarullinniit qanoq isertitaqarsimanersut. Qularutissaanngilarli saarulliit Maniitsup aqutsiviani aalisartunut Maniitsumullu annertuumik pingaaruteqarmata.

Saarulliit 2021-mi Maniitsup aqutsivianut tulaanneqartut 5.118,8 tons sineriammi annertunerpaajupput. 2021-mi Nuup aqutsivianut 3.082 tons tulaanneqarsimagamik. Sisimiut aqutsivianut 1.096 tons tulaanneqarsimallutik

Arnaluit suaat tulaassat nalingilu Maniitsup aqutsiviani aalisartunut annertuumik pingaaruteqarput. Kisitsisini takuneqarsinnaavoq 2020-mut sanilliullugu tunisat 2021-mi annikilleriarsimasut pingaartumillu aalisartunut isertitsissutaanerat annikilleriangaatsiarsimasoq, tassani pingaartumik tunisinermi akiusoq annikillisimanera pissutaalluni.

Ilisimatitsissutigineqassaaq 2022-mi arnarluit suaat aalisarfik 1C-mi (Maniitsup aqutsiviani) tunineqarsinnaasut (kvote) 2021-mut sanilliullugu annertuseriarmata. 2021-mi kvote 272 tons-iugamik 2022-milu kvote 332 tons-inut qaffanneqarluni.

Aalisakkat allat: Qeeqqat, nataarnat, suluppaakkat eqaluillu annikinnerusumik tunineqartarput. 2021-mi aalisakkat taakku katillugit 121,9 tons tunineqarsimapput. Procent-inngorlugu 1,5 pct. Aalisartunut isertitsissutaasimallutik katillugit 645.100,00 kr.-nik.

Fabrikkit / Tunitsiviit 2021 pillugu oqaatigiumasaat:

Maniitsumi Royal Greenland:

Royal Greenland Mnaiitsoq 04.02.2022 imatut nalunaaruteqarpoq:

“Saarulliit uumasuunerusut eqqarsaatigalugit RG Maniitsoq-mut tunisat 2021-mi 2020-mut naleqqiullugit qaffariarnikuupput, Maniitsumuunngitsoq 2020 tunisisoqangaatsiarsimassaaq. Saarullinnut uumasunut tunisanut bonus uge 51-mi 2021 aalisartunut tunniunneqartoq suli ilanngunneqarsimanngitsoq maluginiarparput.

Paasissutissiissutiginereersutut ukiumi qaangiuttumi, bundgarnersornerup ukiarneranut ingerlaqqinnginnera umiarsuup uumasunik aallertartup aallertarunnaarneranik pissuteqarpoq, aalisartut aammami uagut tunisat annerusinnaagaluarnerat pinngitsoortoq uggoreqaarput. Taamaattormi Juullip tungaanut saarulliit qaqerluisigut kapuukkat, ualilluarneranullu arfininngortinnagu tulaanneqartartut annertulaavissut pissarsiaraagut. Neriutigeqaarput, neriorsuutaavormi, upernaag manna saarullinnik uumasunik tulaassuisoqaqqilernissaa, aalisartut Qeqertarsuatsianiit Sisimiut eqqaamiuulu ilanngullugit qilanaarileriiigaat.

Atammimmiut, Napasormiut aamma Kangaamiormiut, Maniitsormiutuulli bundgarnersornerup nalaani nuutsitsivissornermi peqataalluartaarput, taamaamat nunaqarfinni saarulliit tunisat annerusinnaasaraluarput. Aalisartunit Sermersuup Kommuunianiit aamma pilersorneqarluartaaratta nuannaarutissaavoq.

Qalerallit, kilisaatit tulaassaat ukiuunerani suliarisakkagut

1.000 tons missani annertussuseqarput, , pissarsiarinikuuagut, sulilu ukiumi Nutaami ilaneqartussaallutik. Ilumoorporli ikiliartorput, Corona pissutigalugu kilisaatit toqqaannaq avammut tunisisinnaanerat immikkut akuerineqarnikuugami, nunamut tulaanneqartussat ikilillugit, naatsorsuutigaarput upernarluarnera tikillugu tunisassiarisinnaassallugit. Bundgarnersorneq ilaannikkut aggusteqaliinnartoq unilaarsinnaasarpoq, taamaalinissaanullu sillimmateqalaarnissaq pingaaruteqarpoq. Illoqarfuit allat qaleralinnik taaneqartunik pisalertussaapput, paasinarsissaaq tigusakkagut ikilisinneqassanersut.

Kangaamiormiut ukiuunerani Kangerlussuatsiami Kangaamiunut tunisisarlutik qaleralinniartarput, saniatigut saarulliit ukiuunerani mamarineqaqisut panertitassat tunisassiaasarlutik, arnarluillumi suaasa tunisassiaasarneri aalaakkaasunut ilaapput.

Arnarluit suaat ukiuni kingullerni aalisarfimmi 1 C-mi, ilaatigut Atammimmiit Kangaamiut tikillugit aalisarfusumi, sumiiffimmi Nuup Kangeraniit Uummannaarsussuup nalaq ilaannngullugu Naalakkersuisunit pisassiissutigineqartartut tamakkerneqarajupput, taamaattumillu pisat aalaakkaasuullutik. Arnarluit nungusaataannngitsumik aalisarneqartarnerat anguneqarsimasoq pigiinnarniarlugu pisassiinerit atuuttarlutik.

Egaluit qeeqqat, nataarnat aammami suluppaakkat annikitsuinnarmik pisaasarput, saarulliit sammineqarnerusaramik. Taamaattormi aalisartut ataasiakkaat suluppaagarniarusullutik aperinninnikuupput, Nunatta iluani tuniniaavik nalunaarniarpoq suluppaakkanik

Maniitsoq Fish ApS:

Maniitsoq Fish ApS allakkatigut 04.02.20222 naatsumik imatut nalunaaruteqarpoq: “Maani suliffeqarfitsinni ukioq 2021 tamaat isigalugu tunisatigut apparialaarpugut saarulliit eqqarsaatigalugit,taamaatoq ukiup ingerlanera sulisoqarnikkut ajornartorsiuteqanngilagut qujanartumik ,kisianni sulisut ilaqarput ataasiakkaannguit sulilaaginnariarlutik takkutinnngittoortartut qujanartumilli sulisoqarpugut aalaakkaasunik maanna. Ulapiffiup nalaani soorlu suaat nalaanni sulisut amerlaningortarput tamatigut sulisut 20-25 akornanniittarput.Bundgarnersornerup nalaani inuit taamatut amerlatigisinnaasarput ulloq unnuarlu sulineq ingerlatikkaagatsigu,taava ukiup sinneranut tunisassiorneq sulisut annikinnngortarput tunisassiassat apeqqutaallutik ilaatigut hold marluk atorneqartarput.Taamatut naattumik ukiup ingerlanerani sulisoqarniarneq eqqartulaarpara”.

Napasumi tunitsivik januar 2021-mi ammaqippoq. Tunitsivik pigineqarpoq Platou Fish Napasoq ApS-imit. Ammaqinnera Napasumi aalisartunit nunaqqataasunillu nuannaarutigineqarpoq neriulluarfigineqarlunilu.

Aalisarneq – fabrik-eqarneq, Naggasiut

Ukiut siuliinitulli nalunarpoq 2022-mi saarullinnik tulaassuinissaq qanoq ingerlajumaarnersoq. 2019-miit 2020-mut saarullit tulaassat annertuseriartut 2021-imili kingumut annikilleriaqqillutik. Qalerallit kilisaatit Maniitsumut tulaassaasat 2020-mut sanilliullugu 2021-mi annikinnerupput. Tamanna Maniitsumi suliffissaqartitsinermut sunniuteqarsimassasoq qularnangilaq taammaammat qalerallit kilisaatit Maniitsumut tulaassaasat annikillisinneqannginnissaasat pingaartillugu Kommuniit politikkit oqariatuutigissallugu pingaaruteqartoq nalilertariaqarpoq.

Maluginiagassavoq arnarluit aalisartunut iluanaarutaanerit ukiut siuliinut sanilliullugu 2021-mi annikinnerungaatsiartoq tunisinermi akit apparsimanerat pissutaanerulluni. Maluginiagassavoq aamma arnarluit suaannik kvote 2022-mi naalakkersuisunit qaffanneqarmat.

Kangaamiuni aamma Atammimmi fabrikkitt ineriartortinneqassanersut piginnittuniit oqariatuutigineqarnerannik ersittoqanngilaq, taammaammat ukiuni qaninnerni pissutsit annerusumik allanngornissaasat ilimanarani.

Napasumut tunngatillugu nuannaarutigineqarpoq tunisassiorfik ukiuni arlalinni matoqqareersoq nutaanik piginnittulerluni januar 2021 ammaqqimmat. 2021-mi aallartisarnermut ajornartorsiutit arlaqartut aqquasaarneqartarsimapput neriutuutigissavarput 2022-mi ingerlalluarnerujumaartoq.

Maniitsup aqutsiviani aalisarneq fabrikketarnerlu eqqarsaatigalugit 2021-mi saarullinnik, qalerallinnik suannillu tulaassatigut kinguariaartoqartoq takuneqarsinnaavoq. Aalisartut isertitaat taamatulli aamma annikilleriarsimallutik.

Piniarneq:

Maniitsup aqutsiviani Inuussutissarsiutigalugu piniartutut allagartallit 221-mi 176-iupput. 2016-mit amerlassusaasat maannamut aalaakkaasuupput.

Aalisariutit umiatsiaararsortullu pillugit nalunaarsuiffimmi takuneqarsinnaavoq Maniitsumi umiatsiaararsortut 57-iusut taakkunannga 11-it pensionistiupput aalisartutoqqat.

Umiatsiaararsortut agguaqatigiisillugu ukiuat: 54

Allattorsimaffimmi takuneqarsinnaavoq 50-it sinnerlugit ukiullit amerlanerussuteqartut.

Inuusunnerusut 20-iniit 39-iunut ukiullit 11-iinnaasut.

2021-mi piniagassat piniartunit Maniitsup aqutsivianeersunit pisarineqartut amerlassusaasat pillugit paasissutissat:

Qilalukkat qaqortat: 26

Qilalukkat qernertat: 2

Aarrit: 8

2020-mut sanilliullugu qaqortat aamma aarrit pisarineqartut amerleriaateqarput.

Arferit angisuut

Tikaagullit:

	<u>2016</u>	<u>2017</u>	<u>2018</u>	<u>2019</u>	<u>2020</u>	<u>2021</u>
<u>Qamutilissortut pisaat</u>	<u>10</u>	<u>15</u>	<u>14</u>	<u>14</u>	<u>14</u>	<u>14</u>
<u>Ooorortoorsortut pisaat</u>	<u>7</u>	<u>10</u>	<u>15</u>	<u>17</u>	<u>22</u>	<u>21</u>
<u>Katillugit</u>	<u>17</u>	<u>25</u>	<u>29</u>	<u>31</u>	<u>36</u>	<u>35</u>

Tikaagulliusaat:

2016: 1

2017: 1

2020: 1

Taamaalilluni Maniitsup aqutsiveqarfia 2021-mi tikaagullinnik Kitaani pisaqarfiunerpaamut tuliuvoq. Nuuk pisaqarfiunerpaasimagami 37-nik pisaqarfiullni. Ukiuni amerlasuuni Maniitoq pisaqarfiunerpaasarluni 2021-miit Kangaamiuni qamutililimmik angallateqarunnaarnera taamatut sunniuppoq. Aammali peqqutaqaavaoq qoorortoorsorluni tikaagullinnianut 2021-mi ukiakkut pisasseeqqittoqanngimmat Kitaani qamutilissortut naalackersuisunut naammagittaalioreernerisa kinguneranik. Taamaaliluni qoorortoorsorlutik piniartut kingullermik pisaqarput 20. oktober 2021. Ukiut siuliini december tikillugu piniarsinnaasarnikuullutik.

Kangerlussuarmi 2021-mi ukiuunerani umimmanniarneq januar aamma februarmimi ingerlanneqarpoq. Maniitsup aqutsivianeersut piniartut 12-it 2021-mi ukiuunerani umimmanniarpot.

Puisit amii:

2021-imi Maniitsup aqutsiviani puisit amii katillugit 4.892-it Great Greenland-imut tunineqarsimapput.

Inoqarfikaartumik imatut amerlatigalutik:

Inoqarfik	2019	2019	2020	2020	2021	2021
	Antal	Kroner	Antal	Kroner	Antal	Kroner
Maniitsoq	1.016	400.250,00	1.253		1.937	
Kangaamiut	602	236.100,00	1.005		1.590	
Napasq	365	143.900,00	412		906	
Atammik	242	94.225,00	227		159	
Katillugit	2.225	874.475,00	2.897	*	4.892	*

*Great Greenland-ip 2020-mi piniartunut akiliutitik nalunaarutigisinnaanngilaat.

Nalunaarutigivaalli ammit imatut akeqarsimasut:

*Natsiit mikinerit 275kr.

- Natsiit anginerit 300kr.
- Allattooq 400kr.
- Qarlilik 400kr.

Takuneqarsinnaavoq ammit tunisat 2019-miit 2020-mut amerleriaateqarsimasut. Tunisinermi akit tunngavigalugit naatsorsorneqarsinnaavoq 2020-mi 1 mio. kr. sinnerlugu piniartut amminik tunisineranni akiliutigineqarsimanissaat.

***2021-mi** akit ataaniittut atuupput:

Allattooq - Aataaq : 408 kr.

Natseq angineq: 306 kr.

Natseq mikineq: 281 kr.

Paasissutissani takuneqarsinnaavoq allattuut aataarsuillu 2021-mi katillugit 4.829 tunineqarsimasut. Akit nalunaarutigineqartut malissagaani 1.970.232 kr. Maniitsup aqutsiviani piniartunut Great Greenland-imiit akiliutigineqarsimassapput.

Maniitsumi Kalaalimineerniarfik:

Maniitsup kalaalimineerniarfiani 2021-mi tunisanit kaaviaartitat imatut aningaasartaqarput: 2015-imiit 2021 ilanngullugu Maniitsumi kalaalimineerniarfimmi ukiumut isertitat:

2015	1.901.556,00 kr
2016	2.024.898,00 kr
2017	1.845.923,02 kr
2018	1.834.826,00 kr
2019	1.766.724,00 kr.
2020	1.744.002,00 kr.
2021	2.200.169,68 kr.

Maniitsumi kalaalimineerniarfiup ittua 31.01.2022 nalunaarpoq ukioq 2021-mi isertissimallugit 2,200.169,68 kr, aatsaallu taama isertitaqartigalutik.

Piniagassat.Naggasiut:

Piniakkat assigiinngitsut Maniitsup aqutsiviani piniartunit pisarineqartartut ukiut siuliinut sanilliullugit 2021-mi arlalitsigut siuariaateqarput, soorlu qilalukkat qaqortat aarrit puisillu eqqarsaatigalugit. Tikaagullit annikitsuarsuarmik (1-imik) kinguaariaateqalaarput.

Niisat nunatsinni pisarineqartut amerlanerpaartaat Maniitsup aqutsiviani pisarineqartarput.

Kalaalimineerniarfimmi tunisinerit 2021-mi siuariaateqarput.

Piniagassat assigiinngiaartut pisarineqartarput tamannalu piniartortatsinnut ajunngitsuvoq sinerissami kommuninut allanut sanilliukkaanni piniagassatigut periafissagissaarnernut ilaammata.

Taamaattoq oqaatigisariaqarluni Nunatsinni kalaaliminernik atorluaaneq annerusoq anguneqarsinnaagaluarpat kalaaliminernik tunisassiorfimmi pilersitsisoqartuuppat. Neqit assigiinngitsut aalisakkallu annerusumik iluaqutigineqarlutik tunisassiorfimmi tunisassiarineqarsinnaassagaluarpat sineriammullu pisiniarfinnut siammarlugit.

Assersuutigalugu arferit angisuut tikaagullit, tikaagulliusaat arferillu mikinerit niisat amerlasut Maniitsumi pisarineqartarput taamatullu aamma kisitsisini takuneqarsinnaavoq Maniitsup aqutsiviani puisit amerlasuut pisarineqartartut, ammit 4.892-it ukioq 2021-mi Great-Greenland-imut tunineqarsimapput.

Maniitsoq februar 2022.

Qeqqata Kommunia